

AETREO NY TENANAO

 [Manolotra an-dRahalahy Branham i Rahalahy Neville—Mpand.] Fahatairana iray izao. Mino aho fa afaka manao filazana aho raha izany, “Misy ny fanomezam-pahasoavana hafa: ny hieritreretako zavatra tahaka an’izany.” [Mihomehy Rahalahy Branham sy ny fiangonana.]

² Faly tokoa aho ny tonga eto isan’andro. Efa akaiky hifarana ny fivahiniananay ankehitriny, ny fijanonanay miaraka aminareo. Satria, manana favoriana anankiray hafa izahay izay hisy avy hatrany any Chicago, ary tsy maintsy mitondra ny—ny fianakaviana miverina any Arizona tsy ho ela aho. Ary izy ireo dia tsy mbola nahazo ny fialan-tsasatry ny fahavaratra mihitsy, ary mihevitra aho ny hitondra azy ireo ho an’ny dia kely anankiray any ho any, ao anatin’ny andro vitsivitsy. Ary amin’izay fotoana izay dia mety tsy ho eto aho angamba andro, andro iray, iray amin’ireo Alahady, ary avy eo ny andro manaraka dia hanomboka any Chicago aho. Avy eo dia tsy maintsy miverina avy hatrany aho, ny Alatsinainy, ary haka azy ireo ho any Arizona.

³ Ary ankehitriny halako mihitsy ny tonga ny Alahady maraina, haka an’ilay fotoana izay hahazoan’ny olona rehetra aina tsara. Ny Alahady hariva, dia reraka sy sasatra ianareo, ny Alahady hariva; nefá avy eo dia hamerina ny fotoana Alahady hariva amin’ny pasiterantsika, izany dia—izany dia somary ratsy. Fa halako ny manao an’izany, kanefa ny Alahady hariva aho dia, ny Alahady hariva, manana favoriana iray ny Alahady hariva, amin’izay fotoana izay dia mihazona ny olona tena tara be aho. Maro amin’izy ireo no tonga eto avy any atsimo lavitra any ary—ary avy any avaratra, ary izy ireo dia, oh, indraindry dia mamily fiara andro aman’alina izy ireo, mba ho tonga eto ho an’ny favoriana anankiray fotsiny, avy eo dia miverina. Ary izany ilay antony izay ezahako manao an’ilay izy ny Alahady maraina, rehefa tonga aho, izany no manome azy ireo ny fanararaotra iray hiverenana.

⁴ Mpivahiny mendrika, mahatoky, toy ny ahoana no ankasitrahako azy ireo! Izy ireo dia mamily fiara mamakivaky ny ranomandry, ny orana, sy ny zavatra hafa rehetra, mba ho tonga eto, manerana ny firenena, an-jatony maily, ho an’ny favoriana kely anankiray fotsiny. Koa izany dia manao ahy haneho fankasitrahana an’Andriamanitra, sy ireo olona ireo, nohon’ny fanohanany—nohon’ny fanohanany lehibe, an’izay ezahako ho lazaina, amin’ny olona, ho ny Fahamarinana.

⁵ Ankehitriny, izaho dia mino fa ity no Fahamarinana, izaho... amin’ny foko rehetra. Raha nisy zavatra hafa, izay

noheveriko fa tsaratsara kokoa, izaho—izaho dia handeha tokoa aloha... Tsy hangataka olona handeha na aiza na aiza aho raha tsy izaho aloha no mandeha, mba hahita na marina ilay izy na tsia. Izaho tsy hangataka olona mba—mba hanao dingana iray, amin'Andriamanitra, raha tsy izaho no efa nanao sy nahafantatra fa izany no Fahamarinana. Voalohany, dia tsy maintsy ny Tenin'ny Tompo ilay izy, avy eo dia tsy maintsy manao dingana aho ka mahita raha marina ilay izy. Ary avy eo raha marina ilay izy, amin'izay fotoana izay aho vao afaka manao hoe, "Miakara amin'ity lalana ity." Hitanareo, manao lalana ilay izy.

⁶ Ary, ankehitriny, heveriko fa ny mpitoriteny rehetra dia tokony hanao an'izany, tokony handeha aloha, ny tenany. Izy no natao ho mpitarika iray, mpitarika ny olona, fa tsy miteny zavatra izay tiany hametrahana ny tanany, ny tenany. Tsy maintsy mandeha any isika, mpitarika ny olona.

⁷ Izao maraina izao, dia nahazo fahatsapana iray tena hafahafa, tsy mahazatra aho teto amin'ny polipitra. Ary izany dia, saiky teo amin'ny ampahany farany an'ilay Hafatra, tsy nikasa hilaza an'ilay izy tamin'izany fomba izany aho. Hitanareo? Saingy ataoko fa efa voalaza sahady ilay izy, ary tsy misy na inona na inona azoko atao ny amin'izany ankehitriny. Fa avy eo dia nody tany an-trano aho, tsy maintsy nandinika ny amin'ilay izy.

⁸ Ary nanana fivoriam-pianakaviana kely aho androany, tamin'ny rahalahiko sy izy ireo fotsiny. Efa lasa i mama. Ary izahay dia zatra mihaona ao an-tranony, ary ankehitriny dia mankao amin'ny an-dry Delores izahay. Nanana fotoana nahafinaritra izahay tany tamin'ny tolakandro teo, niresa, ary tao i Teddy. Nihira hira vitsivitsy izahay, nitendry hira fiderana vitsivitsy sy ny sisa.

⁹ Ankehitriny dia heveriko, fa angamba amin'ny Alahady heriny maraina, raha sitraky ny Tompo, raha tsy mampaninona an-dRahalahy Neville, ankehitriny dia tiako ny hanana asampanasitranana iray, atokana ho an'ny fanasitranana irery fotsiny. Ary izaho—ary izaho dia mihevitra, miaraka amin'ilay Hafatra aninkeo maraina, fa ny fomba izay toa hitarihan'ny Tompo ahy hitondrana an'Izany, mamoaka an'Izany, dia tokony hampahery kely antsika, hitanareo, mba—mba—mba tena hino. Isika—isika dia milalao manodidina, ary isika—isika dia mieritreritra zavatra samihafa ary miresaka ny amin'izy ireny. Saingy amin'izay fotoana izay rehefa tonga eo amin'ny fanehoan-kery iray ilay izy, dia zavatra hafa izany. Tahaka ny...

¹⁰ Olona iray no niteny tamiko, mino aho fa ny rahalahiko etsy aoriana etsy ilay izy, no niteny ny—ny tantara kely iray androany, mikasika ny lehilahy iray, ny—ny mpitoriteny iray sy ny...

anankiray tamin'ny, anankiray avy tao amin'ny fiangonany. Ary nolazainy fa izy dia afaka nandeha teo amin'ny vatan-kazo iray.

Hoy izy hoe, “Pasitera, azo antoka, fa momba anao ny Tompo.”

Hoy izy hoe, “Afaka mitondra vatan-kazo iray eo amin'ny lamosiko aho, rehefa miampita.”

“Azo antoka, fa momba anao ny Tompo.” Ary nandeha izy ka nanao an’ilay izy.

¹¹ Hoy izy hoe, “Afaka mitondra vatan-kazo iray aho, sy manusika borety iray miampita, amin’ny fotoana iray.”

¹² “Azo antoka, Pasitera, fa momba anao ny Tompo. Afaka manao ny zavatra rehetra ny finoanao.”

¹³ Hoy izy hoe, “Afaka mameetraka anao ao anatin’ilay borety aho, ary mitondra an’ilay vatan-kazo.”

Hoy izy hoe, “Ankehitriny andraso iray minitra!” Hitanareo?

¹⁴ Hafa ilay izy rehefa tafiditra ao anatin’ny ianareo, ny tenanareo. Hitanareo? Ankehitriny, izany, tena tsara ho antsika tokoa ny miteny eto hoe, “Amena.” Tena tsara amintsika tokoa ny miteny hoe, “Mino aho fa izany no marina.” Saingy avy eo dia ataovy ao amin’ny asa izany. Tsy maintsy ataonareo ao amin’ny asa izany.

¹⁵ Araka ny nitondrako an’ilay filazana aninkeo maraina, fa ireo olona dia nipetraka teo amin’ny alok’i Petera, tsy nangataka ny hivavahana mihitsy akory aza izy ireo.

¹⁶ Efa niditra tao anatin’ny trano maro aho, nandinika an’izany. Nivavaka aho alohan’ny handehanako, ary niditra tao fotsiny niaraka tamin’ny hosotra, ary tsy nivavaka akory ho an’ny olona aza, ary nivoaka dia sitrana izy ireo. Hitanareo? Hitanareo? Marina izany. Efa nahita an’izany niseho matetika aho! Hitanareo? Tsy maintsy manana ianareo any ho any hametrahana ny finoanareo. Hitanareo? Tsy maintsy mino an’izany ianareo. Ary mino aho fa manantona ny ora, ary ankehitriny no izy.

¹⁷ Ary fantattro fa tsy raisim-peo ity fotoana ity. Mety manao anankiray kely ho an’ny tenany izy ireo, saingy tsy raisim-peo handeha manerana ny firenena izao. Ny . . .

¹⁸ Izay nolazaiko aninkeo maraina no nitondra antsika avy hatrany eo amin’ny—eo amin’ny kihon-dälana iray, ary izany no antony hangalako ny Alahady manaraka ho an’ny—ny—ny asampanasitranana iray. Satria, hatramin’ny nodiako, dia niresaka taminareo mikasika an’ireo fahitana aho ary izay nitranga, sy ny sisa, ary nitondra an’izany avy hatrany, hoe nahoana aho no nanao an’ireo zavatra ireo. Ary avy eo aninkeo maraina, dia nitondra an’izany avy hatrany teo amin’ilay Sintona farany.

¹⁹ Ankehitriny dia izao no fotoanako ho an'ny fanokanantenena ho an'Andriamanitra; fotoanan'Andriamanitra hiresahana amiko. Hitanareo, izaho—izaho—izaho dia tsy maintsy hanana fiovana kely eo amin'ny fiainako manokana. Tsy hoe araka ny fiheverako fa ratsy aho, fa izaho—izaho dia te-hahatsapa ho akaikikaiky kokoa hatrany ny olona. Hitanareo?

²⁰ Ireo olona izay niezahako hilazana an'ity Fahamarinan'ny Filazantsara ity, nefà nanatodika ny lamosiny amin'Izany izy ireo, ary nanalavitra sy naneso an'Izany. Ankehitriny, ho ahy, izany dia toy ny hoe faniratsirana iray. Tsy ahoako izany, ho ahy; fa ho an'ireo zavatra izay efa nolazaiko, Izany no Fahamarinana izay miezaka hanampy azy ireo. Tahaka ny manusika sambo iray, ka manao hoe, "Jereo, ity ilay izy, miampit ! Jereo, mivoaha avy ao amin'io onjan-drano misavoamboana io, ho faty ianareo! Ianareo, ho ringana ao ianareo!" Nef  dia maneso anareo fotsiny izy ireo, ary manalavitra. Eny, ho ahy, izany dia toy ny hoe, raha manalavitra izy ireo, dia tsy misy na inona na inona intsony azoko atao mikasika an'izany, hitanareo, izay azoko atao.

²¹ Fa te-hihazakazaka hidina eny amin'ilay morona aho ankehitriny ary handresy lahatra azy ireo hoe, "Miverena!" Hitanareo, tsy maintsy manana an'izany fihetseham-po izany aho, hitanareo, satria fantatro fa misy olona any ivelany any izay tsy mbola niditra. Ary izaho dia—izaho dia handeha hanjono mandra-paha...Izy no nilaza hoe, mandra-pahazo an'ilay trondro farany. Te-hanao an'izany aho.

²² Ankehitriny, ary ankehitriny, mba hanaovana an'izany, dia miandry zavatra hitranga aho ao anatin'ny fivoriam-bavaka. Misy zavatra...Ary maro aminareo no mahatsiaro an'ilay fahitana an'ilay—an'ilay Sintona farany, ilay Sintona Fahatelo, raha ny marina. Tsarovinareo, nisy zavatra nitranga talohan'izany mihitsy: nahita an'ilay Hazavana tonga sy nidina teo amin'ilay toerana aho, ary nanao hoe, "Hihaona aminao any Aho." Ankehitriny dia miandry zavatra hitranga aho.

²³ Teto taona maro lasa izay, dia ireo fivoriana sy ilay famantarana taloha no nanao ahy ho tena reraka ka nivembena aho. Maro aminareo no mahatsiaro an'izany. Tonga teo amin'ny toerana iray aho izay nitsanganako sy nihazonan'i Jack Moore ny sandriko iray, ary Rahalahy Brown teo amin'ny iray hafa, ary nampandeha ahy mandroso-sy-miverina teny an-d lambe, nandritry ny adiny iray taorian'ny fivoriana. Ary izaho fotsiny, izay nitranga, dia niezaka nieritreritra hoe taiza—taiza aho ary inona no niseho. Avy eo, dia nandry teo ka nieritreritra ny amin'ilay izy, ary nisento sy ny sisa rehetra, ka nanontany tena hoe nahoana izy ireo no tsy nanaiky an'i Jesosy Tompontsika.

²⁴ Avy eo dia nilaza fahitana iray tamiko Izy hoe, "Amin'ny fotoana anankiray dia hihaona amin'ny ramatoa iray ianao izay hanatona anao, manao akanjo sy palitao volontany, ary hitondra

zazakely anankiray izy ao anaty bodofootsy, ary manomboka amin'io fotoana io, dia hahazo hery ianao hiaretana mafimafy kokoa." Eny, efa nolazaiko anareo izany rehetra izany. Tany Chicago izany no nitranga, tamin'ny hariva izay nisy an'ilay ramatoa Presbyterana kely, rehefa ny pasiterany manokana no naniraka azy nankany niaraka tamin'ilay zazakely.

²⁵ Ary mino aho fa ny anadahiny, ny iray tamin'izy ireo, dia—dia dokotera. Hoy izy hoe, "Tsy misy fanantenana intsony ho an'ilay zazakely raha tsy Andriamanitra Tsitoha no mikasika azy." Nandeha izy . . .

²⁶ Nandeha izy ary nilaza tamin'ny pasiterany. Hoy ilay pasitera hoe, "Izaho dia—izaho dia tsy mahay," hoy izy, "ny—ny hiasa eo amin'io fanasiranana avy amin'Andriamanitra io, satria izaho dia tsy . . . tsy manana an'izany mihitsy ato anatikko, ilay finoana ilaina hanaovana an'ilay izy." Ankehitriny, izany, izany no tena mahitsy fo amin'ilay izy. Hitanareo? Hoy izy hoe, "Tsy manana an'izany ato amiko mihitsy aho." Hoy izy hoe, "Fa izaho dia efa tao amin'ny anankiray tamin'ireo fivoriant-dRahalahy Branham, ka manoro hevitra anao hitondra an'ilay zazakely ho any amin-dRahalahy Branham." Ary nandao azy ilay dokotera, ary efa ho faty izy.

²⁷ Ary ilay ramatoa kely dia niditra teo amin'izay nanaovako karazan'ny—ny fotoana iray ho an'ireo ankizy kely Katolika izay nodorana, tao amin'ilay sekoly tany, fantatrareo. Tsaroanareeo hoe oviana izany. Nanana an'izany fotoana izany izahay, ary nidina tonga teo amin'ny lampihazo avy hatrany io ramatoa kely io nanao an'ilay akanjo sy palitao volontany. Nipetraka teo izy ireo sy ny vadiko, ary nilaza aho . . . nitodika sy njery, ary njery ny manodidina rehetra, mba hahita raha nitsangana teo izy ireo. Ary izao no nitranga, fa talohan'ny niakaroko mihitsy, mino aho fa i Billy Paul sy izy ireo dia niresaka, na ny vadiko na ny sasany tamin'izy ireo, tamin'ilay ramatoa niaraka tamin'ilay zaza kely. Ary niakatra teo amin'ny lampihazo ilay ramatoa, ka ny Fanahy Masina no nanambara ny zavatra manontolo, ary nanasiranana an'ilay zazakely teo.

²⁸ Lasa aho, ary nanomboka tamin'izany dia tsy reraka intsony mihitsy aho. Hitanareo, tsy manelingelina ahy izany, ary izaho—izaho dia manohy fotsiny ary manohy.

²⁹ Ankehitriny dia miandry zavatra hitranga aho, ary manomboka an'io Sintona Fahatelo io ao amin'ilay marika. Hitanareo? Ary angamba amin'ny asam-panasiranana amin'ny Alahady herinny maraina, angamba io no hamokatra an'izany. Tsy fantatro.

³⁰ Heveriko, fa ny tokony hataontsika, dia ny hiteny amin'ireo olonareo, hitondra ny olona marary. Ankehitriny, ho an'ny asam-panasiranana, dia tsy maintsy manokan-tena ho an'ny olona marary isika. Ento ny olonareo marary, ary ento eto alohaloha

izy ireo amin'ny Alahady heriny maraina, atao hoe eo amin'ny valo na amin'ny valo sy sasany, ary avelantsika izy ireo hanome azy ireo karatra fangataham-bavaka iray raha vao miditra ny varavarana izy ireo, na izay hanaovan'izy ireo an'ilay izy. Ary avy eo dia hanana laharam-bavaka iray isika ka hivavaka ho an'ny marary, ary hahita fotsiny an'izay hataon'ny Fanahy Masina.

³¹ Mino aho fa hanao fahagagana Izy raha hino Azy fotsiny isika, hitanareo. Fa tsy maintsy mino Azy isika ho an'izany ankehitriny, amin'ny fontsika rehetra. Ary heveriko fa efa tonga ilay ora lehibe izay rehefa Andriamanitra, araka ny noresahantsika aninkeo maraina, no naneho betsaka tamintsika, sy nitondra antsika teo amin'ny zavatra iray...teo amin'ny toerana iray fotsiny. Hanosika fotsiny hatrany amin'ilay havoana kely, ary izay ihany no ilantsika, avy eo dia mandeha ilay izy. Hitanareo, dia—dia mandeha tahaka an'izany fotsiny, ilay zavatra mitovy ihany, miaraka amin'ny famantarana, zavatra mitovy amin'ilay ara-paminaniana, ho dinihana.

³² Nitsangana tany Calgary aho... manao azafady aminareo aho, ny tanàna mpanjakavavy ilay izy, tany Regina, Regina. Ary nitsangana tany i Ern Baxter, sy ny andiany iray taminay. Ary ny Tompo no niteny tamiko, teto amin'ny lampihazo teto mihitsy hoe, "Izao no hiseho, ho fantatrao ny tena zava-miafin'ny fon'izy ireo." Ary marina izany. Ary izaho tsy nieritreritra an'izany mihitsy tamin'izany fomba izany. Niakatra teo amin'ny lampihazo aho io hariva io, niaraka tamin'i Ern, ary nanomboka nivavaka fotsiny ho an'ny marary. Ary indro tonga ny lehilahy anankiray, nandahatra fotsiny ny fiainany manontolo; fotoana voalohany izay hany nitrangan'ilay izy mihitsy tahaka an'izany, vetivety, tao amin'ny asam-panasitranana iray. Ary avy eo dia njery nankany amin'ny mpanatrika aho, ary indro Izy fa nanomboka nidina teo amin'ny mpanatrika sy ny sisa. Oh, rehefa tonga any amin'ilay ilany hafa isika! Tsy mbola voalaza mihitsy ny antsasany, an'ireo zavatra, ny mandinika, sy mahita an'ireo zavatra ao amin'ny fiainan'ny olona. Tsy milaza na inona na inona mikasika an'izany aho. Mamela an'ilay izy fotsiny hipetraka tsara, hitanareo, raha tsy efa tena voatery hilaza zavatra anankiray aho.

³³ Ary ankehitriny dia miandry an'ilay manaraka hanomboka tahaka an'izany aho. Hitanareo, Andriamanitra, ao amin'ny Fombany Manokana, ao amin'ny Fotoany Manokana masimandidy, hanomboka an'ilay izy. Ary izany dia—izany dia ho zavatra anankiray hafa izay ho—ho fomba iray any ankoatr'ireo olona hafa ireo. Hitanareo? Ary miandry an'izany hitranga aho.

³⁴ Ary angamba, oh, nieritreritra aho, raha nanana asam-panasitranana kely iray aho angamba amin'ny Alahady heriny. Avy eo ny Alahady manaraka dia mety hijaraka amin'ireo ankizy sy izy ireo aho, satria tsy maintsy miverina izy ireo ary handeha

ho any an-tsekoly. Ary avy eo ny Alahady heriny, izaho, mazava ho azy, any Chicago aho, ao amin'ny favoriana any. Ary avy eo dia hiverina ny Alatsinainy manaraka, mba hiainga ny Talata ho any—ho any Arizona, ho an'ireo ankizy hiverina an-tsekoly.

³⁵ Eny, inona no hitanao, pasitera? [Hoy Rahalahy Neville hoe, “Eny, nahita zavatra tena hafahafa aho.”—Mpand.] Tsara, tena mahafinaritra izany, ankehitriny izahay dia te-handre ny mikasika an’izany.

³⁶ Noho izany ankehitriny ny—ny Tompo anie hitahy anareo rehetra, tena, tena tsara. Ary izaho—izaho dia manantena ny hahita anareo eto amin’ny Alahady heriny. Ary ny Alarobia hariva . . .

³⁷ Ary henoy. Aza adino ireo fiangonana kely ireo, tahaka andRahalahy Ruddell, Rahalahy Jackson, Rahalahy Parnell, ary ireny rahalahy kely izay mitolona mafy any ireny, hitanareo. Ary izy ireo dia toy ny mahatsapa fa isika no—no—no fiangonana rahavavin’izy ireo eto, hitanareo. Isika dia toy ny hoe vondrona reny kely ho azy ireny. Teto izy ireo no teraka, avy eto, ireo pasitera sy sisa.

³⁸ Ary itsy lehilahy kely eto itsy, rahalahy, efa nihaona taminy aho indray hariva tany, Allen, Rahalahy Allen kely. Antenaike fa Rahalahy Collins eto dia hifankahafantatra amin-andRahalahy Allen, raha tsy mahafantatra azy izy. Izy roa ireo dia samy mpitoriteny Metodista, ary dia—dia nahita ny Fahamarinan’ny Teny.

³⁹ Fa, ny—ny rafi-pandaminan’ny fiangonana Metodista, misy andian’olona iray mahafinaritra ao amin’izany fiangonana Metodista izany. Aza mieritreritra mihitsy ianareo hoe tsy izany izy ireo. Izany izy ireo. Andian’olona iray mahafinaritra izy ireo ao amin’io fiangonana Katolika io. Andian’olona iray mahafinaritra izy ireo ao amin’ny fiangonana Presbyterana. Ary ao amin’ireo toerana rehetra eo ireo, dia ireo lehilahy sy vehivavy izany izay miandry mba hahita an’ilay Hazavana hanjelatra eo amin’ny lâlan’izy ireo. Manohiza mampanjelatra an’ilay Hazavana fotsiny ianareo, ao amin’ny fanetre-tena, fahalemem-panahy. Ndao isika rehetra hitombo hanakaiky kokoa an’Andriamanitra, amin’ny alalan’ny fanetrena ny tenantsika. Hitanareo?

⁴⁰ Aza adino, ity tabernakla ity dia hahavery ny heriny. Tsarovy fa ity no fikendry izay hanatodihani’i Satana ny basiny rehetra ao amin’ny helo. Hanery olona iray hanao zavatra izay mifanohitra amin’izay heverin’ny anankiray hafa izy. Hanao an’izany izy. Miankina amin’izany izy. Izany no raharahany, raha afaka mahazo olona iray hiteny zavatra anankiray izy, olona iray hiresaka mikasika ny anankiray hafa, hanao hoe, “Eny, henoy, efa fantatralo ve ny nataon’i *Ranona-sy-ranona*?”

Aza mihaino an'izany. Aza mihaino an'izany, mihitsy. Ny devoly izany. Hitanareo, Satana izany. Aza mino an'izany ianareo.

⁴¹ Raha misy zavatra izay nanaovan'ny olona iray fahadisoana, dia mivavaha ho azy ireny. Ary aza mivavaka amin'ny fomba tia tena, manao hoe, "Fantatro fa adidiko izao, tsy maintsy mivavaka ho an'ilay rahalahy aho." Ataovy amin'ny fonareo ilay izy, tena anatiny, ho an'ilay anabavy. Ary miresaha fotsiny ka aoka ho tena malemy fanahy, ary ny zavatra voalohany fantatrareo, hahita azy ireo hiverina avy hatrany ao amin'ny fotoana indray ianareo. Hitanareo? Satria, na izany aza, dia mandeha mankany amin'ny filentehan'ny masoandro isika.

⁴² Ho avy ny Tompo Jesosy indray andro any. Ary, fantatrareo, heveriko fa tena ho tampoka izany ary tena—tena moramora, ary dia hisy zato ny olo- . . . iray ampaha-zato avy amin'ny zato isanjaton'izao tontolo rehetra izao no tsy hahafantatra mihitsy hoe rahoviana no hiseho izany Fampakarana izany. Handeha tena am-pahanginana mihitsy izany ka tsy hisy olona hahafantatra na inona na inona mikasika an'izany. Hitanareo?

⁴³ Ary hisy, mazava ho azy, an'ireo vondrona kely hanao hoe, "Eny, ankehitriny, *Ranona-sy-ranona*?"

⁴⁴ "Oh, milaza izy ireo fa misy andiana fanaticika iray any, nilaza fa vondrona iray no tsy hita any, ary izy ireo . . . Tsy izany ilay izy. Lasa nivoaka any ho any fotsiny izy ireo. Efa nanana an'ilay fanatismo isika, hitanareo."

⁴⁵ "Eny, milaza izy ireo fa ilay tabernakla kely, ao amin'ny toerana iray antsoaina hoe Jeffersonville, dia nisy maro amin'ireo mpikambany no nanjavona."

⁴⁶ Hitanareo, lalaovin'izy ireo fotsiny izany. Hilaza izy ireo hoe, "Oh, tsy misy na inona na inona ny amin'izany, hitanareo," tahaka an'izany, fa efa ho an'ny lasa Izany ary tsy hahafantatra an'izany izy ireo.

⁴⁷ Manerana ny firenena, dia ho avy, ireo izay maty ao amin'ny Kristy no hitsangana aloha. Hiseho ny Fampakarana, ho entina any an-Trano ilay Fianganana. Ary avy eo dia hitoetra ilay Fahoriambe, ary, oh, oadray, tsy te-ho eto isika mandritr'izany fotoana izany. Tsy te-ho eto aho ao amin'ny Fahoriambe. Tsia. Andriamanitra anie hanakana mba ny tsirairay avy amintsika no tsy ho eto mandritr'izany fotoana izany. Satria, "izay maloto dia mbola hiha-maloto; izay masina dia hiha-masina; izay marina dia hiha-marina." Tsy misy . . . Ny Zanak'ondry no nandroso miaraka amin'ny Bokin'ny Fanavotany, ary nalaina ny Ampakarina. Ireo izay nandà an'Izany dia tsy maintsy handalo ao amin'ny vanim-potoan'ny Fahoriambe iray, ny Jiosy sy Jentilisa. Fotoan'ny Fahoriambe toy ny inona izany! Tsy tia an'izany aho.

⁴⁸ "Tompo, amasino aho ankehitriny." Izany no fampianarana Nazariana tsara, sa tsy izany? [Hoy Rahalahy Neville hoe,

“Amena.”—Mpand.] Ary izany no marina, ihany koa. Izany no marina. Marina izany. “Fenoy ny Fanahinao Masina aho ankehitriny, Tompo. Esory amiko ankehitriny izao tontolo izao rehetra, Tompo. Aza—aza mamela anay banana . . .”

⁴⁹ Araka ny nolazain’ilay rahalahy mainty hoditra antitra hoe, “Tompoko, manana ny tapakilako aho eto an-tanako. Efa voaloa izany. Rehefa hidina eo amin’ilay renirano aho, amin’ilay maraina, dia tsy mila olana aho.”

⁵⁰ Noho izany, dia saiky izany mihitsy ilay izy, izaho—izaho tsy mila olana. Hazony eny an-tananareo ny tapakilanareo, satria hiampita isika. Eritrereto fotsiny izany, antomotra ilay fotoam-panavotana lehibe.

⁵¹ Ary ankehitriny misy zavatra iray hafa. Rahalahy, iza moa no anarany, any Utica any? Heveriko fa Rahalahy Graham, ary rahalahy iray hafa izay pasitera any. Rahalahy Shanks iray na zavatra tahaka an’izany, na Sink? [Hoy Rahalahy Neville hoe, “Rahalahy Snelling.”—Mpand.] Rahalahy Snelling no pasitera, izy irery. Rahalahy Snelling no pasitera any Utica ankehitriny. Heveriko fa ny fivoriam-bavak’izy ireo dia amin’ny . . . [“Alakamisy hariva.”] Alakamisy hariva. Ankehitriny, fantatrareo, tena hahafinaritra tokoa raha handalo any isika amin’ny Alakamisy hariva ary haneho fiombonana kely amin’ireo rahalahy ireo. Hitanareo? Ary avy eo rehefa i Rahalahy Jackson, amin’ireo fotoana izay anaovany ny azy, raha mba hitondra ny vondrona kelintsika miaraka fotsiny isika ary handeha any.

⁵² Manohiza mivavaka fotsiny, manohiza mangady! Hia, aza mijanona. Tahaka ny nolazain’i Elia tamin’izy ireo mihitsy, nanao hoe, “Mangadia lavaka eto!”

Rehefa midina ve ianareo, ka handona boaty vifotsy tranaindy iray ianareo, dia hanao hoe, “Reraka loatra aho”? Ario hiala eo amin’ny lèlana ilay izy dia manohiza mangady. Hitanareo? Manohiza mangady fotsiny, satria tsy maintsy mangady isika. Tsy maintsy mangady fotsiny isika, dia izay ihany. Satria, raha ianareo—raha manantena ny hiala amin’ilay Fahoriambe ianareo, dia tsaratsara kokoa ho anareo ny manomboka mangady.

⁵³ Ankehitriny, ho an’ny tenako, dia mitory ho an’ny tenako aho eo. Hanomboka hangady lalina kokoa noho izayefa nangadiako hatramin’izay aho. Satria, tsapako fa izany, eto amin’ny firenena sy manerana an’izao tontolo izao, fa ity asam-panompoana ity dia handeha indray, satria izany diaefa fantatra ankehitriny saiky na aiza na aiza eran’izao tontolo izao. Izaho—izaho tsy maintsy mandeha indray.

⁵⁴ Niteny tamiko ny vadiko . . . Indray maraina, hoy aho hoe, “Tiako hiarakaka amiko ianao rehefa hiainga aho. Hiainga aho eo amin’ny manodidina ny Janoary eo, raha sitraky ny Tompo.

Te-hanao fitetezana manontolo an'izao tontolo izao aho, ny manodidina rehetra; hiverina ary angamba hanao fotoana eto Etazonia, indray andro amin'ny fahavaratra manaraka."

Dia hoy izy hoe, "Antitra loatra aho raha izao no handeha."

⁵⁵ "Eny," hoy aho, "Izaho dia nandeha rehefa izaho...saiky ny diako farany tany am-pitan-dranomasina, teo amin'ny valo taona lasa izay, ary izaho dia mahatsapa fa ao amin'ny toe-batana tsaratsara kokoa aho ankehitriny noho izaho tamin'ny valo taona lasa, fantatrao. Hitanao? Mahafantatra betsaka ny amin'izany aho ankehitriny."

⁵⁶ Ary avy eo dia tonga teo amin'ny lohahevitra izahay hoe, "Raha ny Tompo no niteny hoe, 'Hanome anao dimy amby roapolo taona Aho. Tsy hiha-malemy ianao. Ho afaka handeha ianao, ary hanome anao dimy amby roapolo taona eto an-tany Aho,' ianao ve haka ny manomboka—manomboka eo amin'ny fahaterahana hatrany amin'ny dimy amby roapolo, sa manomboka eo amin'ny dimy amby roapolo hatrany amin'ny dimampolo, dimampolo hatrany amin'ny dimy amby fitopolo, sa dimy amby fitopolo hatrany amin'ny zato?"

⁵⁷ Ankehitriny, ny olona rehetra izay nomena fotoana eto an-tany, dia tena ho zavatra tsy voahewitra indrindra tokoa raha toa ka tsy mandany an'izany fotoana izany ho an'ny asan'Andriamanitra izy. Tsy ahoako izay ataony.

⁵⁸ Ankehitriny, raha ho lasa mpamaky fo iray ho an'ny vehivavy ianareo, na ny sisa, dia tsaratsara kokoa ho anareo ny maka an'ilay taona tanora, ilay dimy amby roapolo voalohany. Hitanareo?

⁵⁹ Raha ho lasa mpandrafitra iray ianareo, mekanisiana iray, na zavatra iray, dia tsaratsara kokoa ho anareo ny maka an'ilay dimy amby roapolo faharoa. Hitanareo?

⁶⁰ Noho izany dia nieritreritra an'izany aho hoe, "Ahoana ny amiko? Aiza no halaiko?" Haka an'ilay dimy amby fitopolo hatrany amin'ny zato aho. Hahay kokoa aho, hendry kokoa. Ho tafatoetra kokoa aho. Hahafantatra kokoa mikasika an'izay ataoko aho. Izaho dia folo, valo na folo, taona antitra kokoa noho izaho tany am-pitan-dranomasina tamin'ny farany teo. Izaho tsy hitsambikina toy ny hoe mamono menarana. Hahafantatra bebe kokoa mikasika an'ilay izy aho, hitanareo. Fantatro hoe ahoana.

⁶¹ Izany dia toy ny alika mpihaza raton-laveur izay miady amin'ny raton-laveur iray, hitanareo. Fantatrareo ny amin'ny hoe ahoana no hihazonana azy. Aza mitsambikina eo amin'izany; ho rangotiny ianareo. Hitanareo, fantaro ireo fitapitany ary diniho izy amin'izay ataony. Ary isika dia mianatra betsaka mikasika an'ilay fahavaloo. Noho izany dia tsy maintsy hitantsika ny teknikany rehetra, sy hoe ahoana no fanatonany, sy izay ataony, ary mianatra an'ireo totohondriny, amin'izay fotoana izay ianareo vao hofanina hanafika azy, hitanareo.

⁶² “Noho izany dia mino aho ankehitriny,” nilaza tamin’ny vadiko aho hoe, “Mino aho fa izaho dia ao amin’ny toe-batana tsaratsara kokoa ankehitriny noho ny tamin’izaho efapolo taona, ka nandeha tany.” Hitanareo, ary efatra amby dimampolo taona aho. Ary mino aho, raha velona aho ka mbola afaka mandeha tsara tahaka ny fahafahako ankehitriny, rehefa zato taona aho, raha izaho...raha haharitra ela hatramin’izany i Jesosy, dia ho ao amin’ny toe-batana tsaratsara kokoa aho amin’izany noho izaho amin’izao fotoana izao, mba handeha. Hitanareo? Satria, mahafantatra bebe kokoa mikasika an’ilay izy ianareo, mahafantatra bebe kokoa ny amin’izay hatao ianareo, sy hoe ahoana no hifehezana azy, ahoana no hifehezana an’ilay zava-misy.

⁶³ Raiso ny ankamaroan’ny olona ankehitriny, raha tsy maintsy ho didiana izy ireo. “Milaza izy ireo fa misy dokotera iray vaovao vao avy nahazo diploma indray andro, ary vao avy nivoaka ny sekolin’ny fitsaboana. Tsy mbola nanao fandidiana iray mihitsy izy. Avelao izy no hanao an’izany.”

⁶⁴ “Oh, tsia,” hoy ianareo, “aza manao na inona na inona. Tsy io lehilahy io. Tsia, tompoko. Na izany aza, tsia, tokoa. Tsy tiako hametraka ny antsiny amiko izy. Eny, aleoko aza mandeha eto ka haka an-d*Ranona-sy-ranona*. Reko fa efa nanao fandidiana maro izy. Fantany hoe ahoana no fanaovana an’ilay izy.” Izay ilay izy, hitanareo. Izany ilay hevitra.

⁶⁵ Mieritreritra ny amin’izany ianareo, saingy ahoana kosa ny amin’ilay fanahy? Ny ilaiko dia ny olona izay mahafantatra hoe aiza no misy azy ireo, sy mahafantatra an’ilay lâlana; izay efa nandeha teo amin’ilay izy. Eny, tokoa.

⁶⁶ Ny Tompo hitahy anareo. Eny àry, Rahalahy Neville, miakara eto ankehitriny. Ary Andriamanitra hitahy an-dRahalahy Neville. Aza adino ankehitriny, amin’ny Alahady heriny.

⁶⁷ [Miresaka ny amin-dRahalahy Branham sy Rahalahy Vayle mandritry ny iray minitra Rahalahy Neville, avy eo dia nanao hoe, “Ary Fifaliana ho ahy ny mandray an’ireo mpitoritenin’Andriamanitra, indrindra ireo izay miara-miasa amin’Ity, ary ao amin’Izany miaraka aminay. Fifaliana ho ahy ny handre azy ireo.”—Mpand.] Amena. [“Noho izany dia nanontany ny Dokotera Lee Vayle aho, hoy aho hoe, ‘Hanaiky history teny ve ianao raha tsy manao Rahalahy Branham?’ Ary tsy nanao Rahalahy Branham. Mety efa nahafantatra an’izany izy.”]

Tsia, tsy nahafantatra aho. Tsy ho niresaka lava be aho.

⁶⁸ [Hoy Rahalahy Neville hoe, “Noho izany dia nanontany an-dRahalahy Lee Vayle aho, izao hariva izao, raha hanaiky history teny ho antsika izy, raha toa ka tsy afaka Rahalahy Branham. Satria izy no niara-niasa taminy tao amin’ireo favoriana, ary fantany ny amin’ilay Lâlana, ity Lâlana ity. Ary faly izahay

manana an-dRahalahy Vayle. Mankasitraka azy aho ary manaja azy tsara tahaka ny atao amin'ireo mpitoriteny hafa rehetra, sy tahaka ny atao amin'ireo hafa rehetra. Ary raha ho tonga izy izao hariva izao ka hiresaka ho antsika, dia ho fifaliana ho ahy ny hanana azy hanao an'izany.”—Mpand.] Amena. [“Andriamanitra hitahy azy, ary ndao isika hivavaka ho an-dRahalahy Vayle. Ny sasany aminareo dia mbola tsy nandre azy mihitsy, ary mahatoky aho fa hivavaka ho azy ianareo.”] Eny.

⁶⁹ Tsy tokony naka ny fotoanany rehetra aho. Miala tsiny amin’ny mpanatrika aho. Izaho tsy nahafantatra, raha nipetraka teo, fa hoe izy . . . fa efa voamboatra izao. Andriamanitra hitahy anao, Rahalahy Vayle.

⁷⁰ [Hoy Rahalahy Lee Vayle hoe, “Tsy voamboatra izao. Izy no niteny hoe, raha toa ianao ka ‘tsy niresaka.’ Fa tonga ianao.” Nihomehy Rahalahy Branham sy ny fiangonana—Mpand.] Tsara. Mahafinaritra izany.

⁷¹ Hihaino azy aho, ny tenako. Efa matetika Rahalahy Vayle no niresaka talohako, tao amin’ny favoriana, sy—sy ny sisa. Izy dia efa nikarakara an’ireo favoriana nandrity ny fotoana ela, ary rahalahy mahafinaritra iray, nanao asa goavana iray. Ary azoko antoka fa ity mpanatrika ity dia faly foana handre an-dRahalahy Vayle rehefa miresaka izy. Ny Tompo hitahy an-dRahalahy Vayle.

⁷² [Miresaka mandrity ny fitopolo minitra Rahalahy Vayle ny amin’ny Marka 16:15-20 sy Soratra hafa, nomeny lohateny hoe: *Nahoana No Tsy Nety Ny Marka 16? Ary Ahoana, Araka Ny Soratra, no Hampety Azy*—Mpand.]

⁷³ Be loatra ny voalaza hany aho—aho—aho ka tsy afaka miteny na inona na inona hanao an’ilay izy ho tsaratsara kokoa. Ary mino marina aho fa ny Tompo no nanamboatra an’izany mba hitondran’i Rahalahy Vayle an’izany hafatra izany, taorian’ny aninkeo maraina. Satria, hitanareo, tsy maintsy miasa amin’izany fomba izany ilay izy. Isika—isika dia manaiky an’izany ho avy tamin’Andriamanitra. Fa, misy zavatra maro be no nolazainy; izaho—izaho—izaho dia manana toriteny roapolو voasoratra eto, avy amin’izay nolazainy.

⁷⁴ Nieritreritra aho eto ny amin’ny sary kely anankiray, mba hanohanana an’izay nolazainy. Ankehitriny, mijery an’io famantaranandro io isika, mba hahita hoe amin’ny firy izao. Raha tsy miara-miasa ilay fitaovana tsirairay ao anatin’io famantaranandro io, ny anankiray miaraka amin’ny hafa, dia tsy hahafantatra ny ora marina mihitsy isika. Marina ve izany? [Hoy ny fiangonana hoe, “Amena.”—Mpand.] Ary izany dia mila antsika rehetra, ny rehetra miaraka, raha tiansika ny hahita an’ilay Sintona Fahatelo tena hanao zavatra ho an’Andriamanitra, izany dia fiaraha-miasa amin’ny tsirairay avy amintsika miaraka, manetry ny tenantsika eo

anatrehan'Andriamanitra sy miaiky ny fahadisoantsika, ary mivavaka sy mino an'Andriamanitra ho an'ireo zavatra ireo.

⁷⁵ Mino marina aho fa izay nolazain'i Rahalahy Vayle dia ny Fahamarinana, fa Andriamanitra dia tsy hametraka mihitsy ny Fanahiny ao anatin'ny tempoly iray tsy masina, tsy marina, tsy mankatò. Tsia. Ilay izy dia tsy maintsy tonga ao amin'ny—ny lâlan'ny fanadiovana ny fontsika amin'ireo fahadisoana sy heloka rehetra, mba hahatonga antsika ho madio eo anatrehan'Andriamanitra, mba Hahafahany mampiasa ny Fanahiny Masina madio amin'ny alàlantsika, mba hanao an'ireo zavatra ireo hiseho. Izaho—izaho dia mihevitra fa, rehefa hody ianareo izao hariva izao, raha hamaky an'ilay Boky kelin'i Joda ianareo, dia hianatra mihitsy ny zavatra manontolo ianareo ankehitriny an'izay nolazain'i Rahalahy Vayle. Ary hoy izy hoe, "Izaho dia miady mafy an'ilay Finoana izay nomena indray mandeha ho an'ireo masina." Nanalavitra an'Izany izy ireo. Olon'ny fahalòvan-tsaina toy ny ahoana, sy ny sisa, no niditra ka namitaka azy ireo nanalavitra an'ireo—an'ireo tena zavatr'Andriamanitra.

⁷⁶ Ary Andriamanitra dia miasa fotsiny ihany amin'izay amelantsika Azy hiasa. Ary misy zavatra mahagaga betsaka, izay lazaiko . . .

⁷⁷ Fantatrareo, ny olona dia mila hery, ary tena tsy fantatr'izy ireo marina hoe inona no atao hoe hery. Hitanareo, izy ireo—izy ireo dia tena tsy mahafantatra marina hoe inona—inona—inona no miaraka amin'izany. Ny—ny fomba hiakarana dia ny midina, foana. Raha mila hery ianareo, dia jereo hoe ahoana no hahafahanareo manetry tena. Alaviro fotsiny ireo fisainan'izao tontolo rehetra izao, ary aetreo ny tenanareo eo anatrehan'Andriamanitra, ary avy eo dia hahazo hery be lavitra noho ilay olona izay mihazakazaka manerana an'ilay tranobe ianareo sy manao tabataba marobe; hitanareo, satria afaka nandresy ny tenanareo ianareo, ary nametraka ny tenanareo tamin'i Kristy, hitanareo, mba hanetry ny tenanareo eo Anatrehany. Izany no tena hery.

⁷⁸ Asehoy ahy ny fiangonana iray izay manetry tena, tena manetry tena, fa tsy ny—ny mpiavonavona; fiangonana iray, malemy fanahy iray fotsiny, fiangonana manetry tena, dia hasehoko anareo ny fiangonana iray izay mahita ny sitraka sy ny herin'Andriamanitra ao aminy. Marina izany. Izany no zavatra ilain'izany, fanetre-tena, manetry ny tenantsika eo anatrehan'Andriamanitra, mamela an'Andriamanitra hiasa amin'ny alàlantsika. Tsy mila manao tabataba be.

⁷⁹ Indraindray, tahaka ny nolazain'ilay mpamboly, nandeha teny an-tsaha izy niaraka tamin'ny saretiny, ary, isaky ny mandona kitaotaona iray izy, dia mikorintsana fotsiny ilay izy ary mitohy. Fa rehefa niverina izy, dia nandona an'ilay

kitaotaona iray ihany izy fa tsy nanao feo intsony mihitsy ilay izy, satria feno zavatra tsara izany.

⁸⁰ Koa nihevitra aho fa saiky marina mihitsy izany, hitanareo, fa feno ny zavatra tsara an'Andriamanitra isika, fa ny vokatry ny Fanahy dia azo fantarina amin'ny alàlantsika. Tahaka ny nanondroany betsaka ny Korintiana Voalohany 13 teo, sy hoe ahoana, fa, “Na dia atolotro ho dorana aza ny tenako, ary manana an'ireo zavatra rehetra ireo, nefo tsy manana fitiavana; dia tsinontsinona izany, tsy hahavita na inona na inona amiko izany.” Hitanareo, te-hanao an’izany isika.

⁸¹ Ambonin’ny zavatra rehetra, dia ny fanahintsika isam-batan’olona izay isika no tompon’andraikitra eo anatrehan’Andriamanitra. Hitanareo, ilay izy—ilay izy dia hoe *ianareo* no handeha ho any An-danitra. Ilay izy dia tsy hoe *raha izaho* no mandeha, na *izy* no mandeha. Ilay izy dia hoe *ianareo* no handeha, hitanareo, ary ianareo aloha. Ary tsy maintsy mitandrina an’izany ianareo sy manatona am-pahalemem-panahy eo anatrehan’ny Tompo.

⁸² Ary izaho dia nahita foana fa ny olona izay manetry ny tenany no olona izay asandratr’Andriamanitra. Rehefa maka olona iray miaraka amin’ny tratra mibontsina ianareo sy mahafantatra ny zavatra rehetra, ka tsy afaka miteny na inona na inona aminy ianareo, ka miavonavona izy, ary—ary, eny, izany—izany ilay olona izay tsy tonga na aiza na aiza mihitsy. Fa alaivo ilay olona izay manetry ny tenany sy mandeha am-pahalemem-panahy.

⁸³ Niresaka tamin’ny olona iray aho indray andro, izay nandrafitra fiangonana iray fotsiny tany...nivoaka avy tao amin’ny rafi-pandaminana iray izay nisy tany. Ary, eny, Rahalahy Boze izany, ary ireo fiangonana izay nisy azy ireo, nanana an’io fiangonana lehibe tany io izy ireo nandritry ny ela be, ary notahian’ny Tompo. Avy eo ny olona dia nandeha tamin’ny toerana iray izay tian’izy ireo hamiratra tahaka ny sisatamin’izy ireny, ary naniry ny hampiditra an’izany tao anatin’ny rafi-pandaminana iray. Ary rehefa nanao an’izany izy ireo, izany fotsiny...ireo Kristiana manetry tena tao anatin’ny tao dia tsy te-hanao an’izany. Ny fiaianany rehetra, dia nampianarina izy ireo hanohitra an’izany, noho izany dia nanalavitra an’izany izy ireo. Ankehitriny dia manana vondrona iray izy ireo, ary ny Tompo no nitahy azy ireo hany izy ireo ka miditra, tao amin’ny toerana goavana iray indray ankehitriny, ho an’ny fiangonana iray ankehitriny izay maharay olona eo amin’ny efatra na dimy arivo eo, ary manomboka indray izy ireo.

⁸⁴ Ary nanatona ahy izy ireo, ka nanao hoe, “Rahalahy Branham,” nipetraka tsara tao amin’ny birao izahay, ilay biraon’ny fiangonana, indray andro. Ary nilaza izy, ny anankiray

tamin'ireo mpitarika, Rahalahy Carlson sy izy ireo, nanao hoe,
“Inona no tokony hataonay?”

⁸⁵ Hoy aho hoe, “Mitadiava lehilahy iray ho mpiandry izay tsy manana laza mihtsy ao amin’ny anaram-piangonana rehetra, izay rahalahy tena tsara, tena izy, malemy fanahy, manetry tena izay miaina amin’ny fiainana. Andriamanitra no hikarakara ny sisa amin’izany, hitanareo.” Hoy aho hoe, “Pasitera tsara iray izay hamahana ny ondry, ary hanetry tena sy ny sisa, fa Andriamanitra no hanao ny sisa. Raha ianareo no... Tsy anankiray goavana izay mahay ny zavatra rehetra ho avy, hametraka an’ity ao amin’ny lamina, ary ity dia tokony ho izao, mamadika ny zavatra rehetra.” Hoy aho hoe, “Tsy hety mihtsy izany. Vao avy teo amin’izany ianareo.”

⁸⁶ Izay ilay izy, ny potipotiny rehetra ao amin’ilay fiangonana dia tsy maintsy miara-miasa, ary tsy maintsy mihazona ny anjaranareo amin’izany ianareo. Mba hahitantsika hoe fotoana inona no iainantsika. Mety efa akaiky noho ny fiheverantsika an’izay misy antsika isika.

⁸⁷ Ankehitriny, dia mankasitraka an-dRahalahy Vayle isika. Sa tsy izany? [Hoy ny fiangonana hoe, “Amena.”—Mpand.] Ny Tompo hitahy anao, Rahalahy Vayle. Misaotra anao. Ary misaotra ny Tompo isika noho ny fitondrana an’izany hafatra lehibe izany tamintsika izao hariva izao.

⁸⁸ Ary naharay naoty aho, minitra vitsy lasa izay. Ny anankiray amin’ireo anabavy dia nanana zavatra izay tiany ho lazaina, tao amin’nynofy iray. Raha ho soratanao fotsiny ho ahy izany, ranabavy, izaho—izaho dia... Efa nanome azy nofy maromaro Izy izay tena marina tanteraka tokoa. Tsy manaiky ny nofy rehetra isika. Tsia, tsia. Fa rehefa avy amin’Andriamanitra izy ireo, dia tiantsika ny hahafantatra fa Andriamanitra no miresaka amintsika.

⁸⁹ Toy ny zavatra rehetra miteny amin’ny fiteny tsy fantatra, tsy mino an’izany isika; fa rehefa misy fandikana iray tonga ka miteny amintsika ny zavatra izay hitranga, hitantsika mitranga izany, amin’izay fotoana izay dia misaotra ny Tompo isika ny amin’izany. Hitanareo?

⁹⁰ Tiantsika ny hihazona an’ilay izy handeha am-pitoniana, moramora, ary ao amin’ny lamin’ny Tompo. Noho izany dia tsarovy fotsiny, fa ny anjaranareo dia mety ho ilay resaoro lehibe, na mety ho ilay kely izany, fanjaitra kely iray, na anjara kely iray, na ilay taho famahanana, na mety ho inona na inona ilay izy, na mety ho ireo fanjaitra eo amin’ny tavan’ilay famantaranandro izany, izay milaza ny ora. Fa na inona na inona ilay izy, dia mila antsika rehetra miara-miasa izany ao anatin’ny firindrana miaraka amin’ny Filazantsaran’i Jesosy Kristy, mba hitondra an’izany hiseho.

⁹¹ Eritrereto fotsiny! Raha tena lehibe ireo fanomezam-pahasoavana, izay antsointsika hoe hery; fa hoy i Paoly hoe, “Na dia manana finoana aza aho ka afaka maminдра tendrombohitra iray, nefà tsy manana fitiavana, dia tsinontsinona aho.” Eritrereto izany.

⁹² Ary na dia milaza aza isika hoe, “Eny, na dia izaho—izaho aza dia mahazo... Maniry aho ny hahafantarako ny Baiboly.”

⁹³ “Na dia mahazo ny zava-miafin’Andriamanitra rehetra aza aho, hitanareo, ary na dia mbola afaka manao an’izany aza aho nefà tsy manana fitiavana, dia tsinontsinona aho. Hitanareo, tsy mbola tonga na aiza na aiza aho.” Hitanareo, ny zavatra lehibe dia, tia an’Andriamanitra, ary manetry ny tenanareo miaraka amin’izany.

⁹⁴ Ankehitriny, azo antoka, taorian’ireo taona rehetra teny amin’ny saha ireo ary nanerana an’izao tontolo izao, ka nahita olona samihafa, dia tokony hahafantatra kely aho mikasika an’ilay vavahady izay hidirana. Ary raha tianareo ny ho tonga any ho any miaraka amin’Andriamanitra, dia aza avela ho tonga manodidina anareo mihitsy ny fanahy miavonavona iray. Aza avela hisy lolom-po hiditra. Tsy mampaninona izay ataon’ny olona iray, raha diso izy ireo, dia aza manorina fefy be iray hanohitra an’izany olona izany ianareo. Hitanareo? Aoka ianareo ho malemy fanahy sy tsara fanahy. Tsarovy, Andriamanitra dia efa tia anareo fony ianareo tao anatin’ny ota. Ary raha ny Fanahin’Andriamanitra no ao anatinareo, dia ho tia an’ilay olon-kafa ianareo rehefa diso izy. Hitanareo, mivavaha fotsiny ho azy ireny, ary mifankatiava.

⁹⁵ Ambonin’ny zavatra rehetra, dia tiavo Andriamanitra ary mifankatiava. Ary aoka hanetry tena miaraka amin’Andriamanitra sy manodidina ny hafa, ary Andriamanitra hitahy antsika, ary sarotra ny hilaza an’izay Hataony. Mazàna rehefa manomboka miha-maro an’isa ny fiangonana iray ka lasa miha-lehibe kely, na zavatra tahaka an’izany, amin’izay fotoana izay dia manalavitra an’ilay tena zavatra izy ireo, ilay tena zavatra.

⁹⁶ Fantatrareo ve hoe inona no ataon’ireny zavatra ireny hiseho, rehefa nanomboka voalohany aho ka niseho teo amin’ilay renirano ny Tompo ary niteny tamiko an’izany? Ary nahita an’izany Rahalahy Vayle, mino aho, tao amin’ny gazety iray tany Canada, taona maro lasa izay, teo amin’izay nisehon’ilay Anjelin’ny Tompo tamiko teo amin’ilay renirano tany, tao amin’ny Associated Press izany, “Hazavana Mahagaga teo ambonin’ny mpitoriteny teto an-toerana, rehefa nanao batisa.” Ary—ary fantatrareo ve hoe inona no nataon’izany? Rehefa nanana an’ilay favoriana anaty trano lay isika nanerana ny lâlambe fotsiny, trano lay iray izay nametraka teo amin’ny, oh, olona dimanjato sy roa arivo teo, dia tonga avy tany rehetra

tany ireo mpitoriteny, ka nanao hoe, "Rahalahy, avia eto iray minitra." Tovolahy iray fotsiny aho, tahaka an'izany, oh, ankizy iray fotsiny. Dia hoy izy ireo hoe, "Ahoana no hitazonanao an'ireo olona ireo ao anatin'ny saina iray? Mifankatia izy ireo hany ka . . . Tsy mbola nahita olona nifankatia aho."

⁹⁷ Ny Tompo izany. Eo ambonin'izany no nanorenana an'ity fiangonana ity, ilay fitiavana masina, an'ny rahalahy ho an'ny hafa. Nahita azy ireo nifandray tànana aza aho, niala teo amin'ny toerana iray, ary nitomany tahaka ny zazakely, raha nisaraka tamin'ny hafa. Nifankatia tsara tahaka an'izany izy ireo. Ary afaka nandeha tany an-tranon'izy ireo aho mba hamangy, ary matetika dia nivelatra ny Baiboly ary voapetin-dranomaso. Tonga aho, ny andro hariva, teo amin'izay niangonan'ireo ray sy reny niaraka, ary ireo zanany kely nanodidina ny gorodona, nandohalika teo; ary ireo ray sy reny nandohalika, nitomany sy nivavaka. Nitsangana teo amin'ny varavarana aho ary niandry dia niandry dia niandry. Ary tsy nijanona nivavaka izy ireo, nipetraka fotsiny teo amin'ireo tohatra aho ary nanomboka nivavaka, ny tenako, niandry azy ireo, hitanareo. Ary izany—izany no izy. Ary nifankatia izy ireo. Nifankatia izy ireo. Nanana fahazarana mitsangana isika ary nihira an'ilay hira tranainy hoe:

Isaorana anie ilay tady izay mamatotra
Ny fontsika ao amin'ny fitiavana Kristiana;
Ny fiombonan'ny firaisan-tsaina
Dia tahaka an'ilay any Ambony.

Rehefa misaraka mitokana isika,
Dia manome antsika fanaintainana anaty izany;
Saingy mbola hifandray am-po isika,
Ary manantena ny hihaona indray.

⁹⁸ Miteny an'izany amin'ny fifalina lehibe ato am-poko aho, ho an'i Kristy. Maro amin'izy ireo no matory manerana an'ireo fasana voaisy marika izao hariva izao, miandry an'ilay fananganana lehibe izay hihaonantsika miaraka indray.

⁹⁹ Aza avela hiala eto amin'ity toerana ity izany fanahy izany! Raha sendra miala izany, amin'izay fotoana izay dia tsy ahoako hoe mety ho mahay mandaha-teny toy ny ahoana ny pasiteranareo, hoe mety ho tsara toy ny ahoana no itondrany ny Tenin'Andriamanitra, nampalahelovina ilay Fanahin'Andriamanitra. Hitanareo? Rehefa afaka manana ny zavatra rehetra ao anatin'ny fiombonana isika, ao amin'ny firaisansa, ka mifankatia, amin'izay fotoana izay vao hiasa miaraka amintsika Andriamanitra.

¹⁰⁰ Ary manondro ny fotoana isika, mba hahatongavan'ny olona ka hanao hoe, "Raha te-hahita fiangonana iray izay tena manetry tena ianareo, fiangonana iray izay tena tia an'Andriamanitra, dia midira ao amin'io tabernakla io indray

andro ary diniho izy ireo. Jereo ilay fikarakarana izay hataon’izy ireo amin’ny hafa, ilay fanajana; rehefa toriana ny Filazantsara, manaja toy ny ahoana, fa ny zavatra rehetra dia ao amin’ny lamina mihitsy.” Eny, amin’izay fotoana izay dia afaka mijery izy ireo ka mahita hoe fotoana inona no iainantsika. Hahita ny Fanahin’Andriamanitra hihetsika eo anivonareo ianareo, ireo famantarana sy fahagagana lehibe sy ny sisa hiseho. Raha miaramiasa ilay zavatra, dia milaza ny ora izy. Fa raha tsy miasa izany, amin’izay fotoana izay dia nijanona ny ora, tsy hilaza an’ilay ora intsony izy. Noho izany raha tiantsika ny hahafantatra hoe ora inona no iainantsika, dia ny olona rehetra mihitsy no aoka hiara-hiasa ao amin’ny Filazantsara, mifankatia, tia an’Andriamanitra, ary ireo fanjaitra izy tenany no hilaza an’ilay ora izay iainantsika. Mino an’izany ve ianareo? [Hoy ny fiangonana hoe, “Amena.”—Mpand.] Azo antoka. Amena. Ny Tompo hitahy anareo, tena betsaka.

¹⁰¹ Aza adino ankehitriny, mandehana any amin’ny manodidina amin’ity herinandro ity. Ary raha mahafantatra olona tsara ianareo, olona marary izay ho avy, dia lazao azy ireny, rehefa tonga izy ireo, manaova hoe, “Ry malala, te-hanontany anao aho. Hanana vavaka ho an’ny marary izahay, amin’ny Alahady maraina, ao amin’ny tabernakla. Ary ianao dia efa narary nandritry ny fotoana fohy, ankehitriny tiako . . .”

“Eny, te-handeha aho. Naniry ny handeha foana aho.”

¹⁰² “Ankehitriny, vao avy nandre hafatra iray aho tamin’ny Alahady hariva, avy tamin’ny rahalahy anankiray tany, fa hoe tsy maintsy mifampiaiky ny fahadisoantsika isika, ary mifampivavaka, mba hahatonga antsika ho sitrana. Jakoba 5:14, 13, 14, 15, hitanareo, fa tsy maintsy mifampiaiky ny fahadisoantsika isika alohan’ny hitadiavantsika mihitsy aza ny fanasitranana. Hia. Mifampiaiky ny fahadisoantsika, ary mifampivavaka.” Hitanareo? Hitanareo, mikasika an’izany marina mihitsy no noresahiny izao hariva izao, mamerina an’ireo fahasambarana miaraka amin’ny Marka 16. Manafangaro an’izany miaraka, dia ho azonareo izany, avy eo dia miseho ireo fanasitranana.

¹⁰³ Jereo Jesosy, tsy misy afa-tsy fonosam-pitiavana. Hitanareo? Izy no Andriamanitra voaseho. Izy, Andriamanitra, no naneho ny Tenany tamin’ny Alàlany, tsy mahagaga raha nitranga ireo fahagagana sy ny sisa. Ny Fiainany manetry tena, sy fiainana voatokana; avy tamin’ny maha-Andriamanitra, mba ho lehilahy iray teto an-tany, mba haneho an’Andriamanitra tamin’ny alàlan’ny Tenany. Izany no nanao Azy an’izay naha-izy Azy. Nilaza foana aho hoe, “Ny nanao an’i Jesosy ho Andriamanitra, ho ahy, dia ny fomba izay Nanetreny ny Tenany. Lehibe loatra Izy, kanefa dia afaka ny ho tena kely.” Hitanareo? Marina izany.

¹⁰⁴ Ny Tompo hitahy anareo tena tsara. Ankehitriny ndao isika hitsangana, ary ho an'ny fampiravana. Ndao isika hanandrana fotsiny an'izany, (mety tsy ho hainao ilay izy, ranabavy), ilay, *Isaorana Anie Ilay Tady Izay Mamatotra*. Ndao isika hihira an'izany indray mandeha, sitrakareo ve? Omeo anay ilay naoty.

Isaorana anie ilay tady izay mamatotra
Ny fontsika ao amin'ny fitiavana Kristiana;
Ny fiombonan'ny firaisan-tsaina
Dia tahaka an'ilay any Ambony.

¹⁰⁵ Ankehitriny raha mihira an'ity andininy farany ity isika, dia ndao isika hihazona ny tānan'ny hafa, “*rehefa misaraka mitokana isika*,” dia lazao fotsiny hoe, “Andriamanitra hitahy anao, rahalahy, ranabavy. Tena faly aho ny tonga eto miaraka aminao izao hariva izao.” Hitanareo, zavatra tahaka an'izany, avy eo dia mitodiha ianareo avy eo. Ankehitriny ndao isika hihira an'izany.

Rehefa misaraka isika . . .

Andriamanitra hitahy anao, Rahalahy Neville!

Dia manome antsika fanaintainana anaty izany;
Saingy mbola hifandray am-po isika,
Ary manantena ny hihaona indray.

¹⁰⁶ Toy ny ahoana no itiavantsika ny Tompo Jesosy! Sa tsy izany? [Hoy ny fiangonana hoe, “Amena.”—Mpand.] Toy ny ahoana . . .

Mandra-pihaonantsika!
Mandra-pihaonantsika eo an-tongotr'i Jesosy;
(mandra-pihaonantsika!)
Mandra-pihaonantsika! mandra-pihaonantsika!
Homba anareo anie Andriamanitra mandra-
pihaonantsika indray!

Ndao isika hanakimpy ny masontsika, ary hihira an'izany mihitsy ao amin'ny Fanahy ankehitriny.

Mandra-pihaonantsika! mandra-pihaonantsika!
Mandra-pihaonantsika eo an-tongotr'i Jesosy;
Mandra-pihaonantsika! mandra-pihaonantsika!
Homba anareo anie Andriamanitra mandra-
pihaonantsika indray!

¹⁰⁷ Ankehitriny raha miondrika ny lohantsika. Zanaka fotsiny isika, zanak'Andriamanitra. Ndao isika hisamonomonona an'izany. [Rahalahy Branham sy ny fiangonana dia manomboka misamonomonona, *Homba Anareo Anie Andriamanitra*—Mpand.] Oh, toy ny ahoana no hitondran'izany ny Fanahin'Andriamanitra amintsika! Azonareo eritreretina ve ireo andro voalohany rehefa nipetraka teo ambonin'ireo vongam-batolampy izy ireo?

Homba anareo anie Andriamanitra mandra-
pihaonantsika indray!

¹⁰⁸ Miaraka amin'ny lohantsika miondrika, dia hangataka aho raha i Rahalahy Allen iry aorianana iry, rahalahy vaovao iray eto anivontsika, raha hampirava antsika amin'ny tenim-bavaka iray izy. Rahalahy Allen.



AETREO NY TENANAO MAG63-0714E
(Humble Thyself)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 14 Jolay, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozaraïn'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org